

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ  
2008 ԹՎԱԿԱՆԻ ՀՈՒՆԻՍԻ 26-Ի N 671-Ն ՈՐՈՇՄԱՆ  
ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

**ՆԱԽԱԳԻԾ**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ**

**Ո Ր Ո Շ ՈՒ Մ**

\_\_\_\_\_2022 թվականի N - Ն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2008 ԹՎԱԿԱՆԻ ՀՈՒՆԻՍԻ  
26-Ի N 671-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

Հիմք ընդունելով «Նորմատիվ իրավական ակտերի մասին» Հայաստանի Հանրապետության օրենքի 33-րդ և 34-րդ հոդվածները Հայաստանի Հանրապետության կառավարությունը **որոշում է.**

1. Հայաստանի Հանրապետության կառավարության 2008 թվականի հունիսի 26-ի «Գյուղատնտեսական կենդանիների կարանտինի սահմանման և չեղյալ հայտարարման կարգը հաստատելու մասին» N 671-Ն որոշման (այսուհետ՝ որոշում) մեջ կատարել հետևյալ փոփոխությունները՝

1 որոշման նախաբանը շարադրել նոր խմբագրությամբ՝ «Հիմք ընդունելով «Անասնաբուժության մասին» օրենքի 6-րդ հոդվածի 1-ին մասի 26-րդ կետը՝ Հայաստանի Հանրապետության կառավարությունը որոշում է.»,

2) որոշման հավելվածը շարադրել նոր խմբագրությամբ՝ համաձայն հավելվածի:

2. Սույն որոշումն ուժի մեջ է մտնում պաշտոնական հրապարակման օրվան հաջորդող օրը:

Հավելված

ՀՀ կառավարության 2022 թվականի

\_\_\_\_\_ -ի N \_\_\_\_ -Ն որոշման

Հավելված

ՀՀ կառավարության 2008 թվականի

հունիսի 26-ի N 671-Ն որոշման

## Կ Ա Ր Գ

### ԳՅՈՒՂԱՏՆՏԵՍԱԿԱՆ ԿԵՆԴՐԱՆԻՆԵՐԻ ԿԱՐԱՆՏԻՆԻ

#### ՍԱՀՄԱՆՄԱՆ ԵՎ ԶԵՂՅԱԼ ՀԱՅՏԱՐԱՐՄԱՆ

#### 1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կարգավորվում են Հայաստանի Հանրապետության տարածքում գյուղատնտեսական կենդանիների կարանտին սահմանելու և չեղյալ հայտարարելու հարաբերությունները:
2. Հայաստանի Հանրապետության տարածքում կարանտինային, հատուկ վտանգավոր և պարտադիր ծանուցման ենթակա վարակիչ հիվանդությունների ախտորոշման դեպքում կարող է սահմանվել կարանտին:

#### 2. ԿԱՐԱՆՏԻՆ ՀԱՅՏԱՐԱՐԵԼՈՒ ԿԱՐԳԸ

3. Հայաստանի Հանրապետության սննդամթերքի անվտանգության տեսչական մարմնի (այսուհետ՝ Լիազոր մարմին) առաջարկությամբ կարանտին սահմանելու մասին որոշումը ընդունում են՝
  - 1) Հայաստանի Հանրապետության կառավարությունը՝ երկու և ավելի մարզեր կարանտինային գոտում ներառելու դեպքում,
  - 2) տարածքային կառավարման մարմինները՝ Հայաստանի Հանրապետության վարչատարածքային միավորը կամ դրա առանձին տարածքային միավորները կարանտինային գոտում ներառելու դեպքում:
4. Լիազոր մարմնի կողմից կարանտին սահմանելու մասին առաջարկությունը

ներառում է.

- 1) կարանտին սահմանելու հիմքերը՝ վարակի օջախի համաճարակաբանական հետազոտությունը, լաբորատոր ախտորոշման եզրակացությունը,
- 2) կարանտինային գոտու սահմանները՝ «Անասնաբուժության մասին» Հայաստանի Հանրապետության օրենքի 31-րդ հոդվածի 4-րդ մասի դրույթներին համապատասխան,
- 3) կարանտին սահմանելու ժամկետը,
- 4) կարանտինային միջոցառումների նկարագրությունը՝ անհրաժեշտ անասնահակահամաճարակային և սահմանափակող միջոցառումների ցանկը, դրանց իրականացման կարգը, ժամկետները՝ Հայաստանի Հանրապետության օրենսդրության և Կենդանիների առողջության համաշխարհային կազմակերպության պահանջների համապատասխան:

5. Լիազոր մարմնի կողմից կարանտին սահմանելու մասին առաջարկությունը ներկայացվում է սույն կարգի 2-րդ կետով սահմանված հիվանդությունների ախտորոշումը հաստատելուց հետո՝ 6 ժամվա ընթացքում:

6. Կարանտին սահմանելու մասին որոշումը ընդունվում է կարանտին սահմանելու մասին առաջարկությունը ներկայացնելուց հետո՝ 6 ժամվա ընթացքում:

7. Կարանտին սահմանելու կամ չեղյալ հայտարարելու մասին համապատասխան որոշումները անհապաղ ծանուցվում են բնակչությանը՝ զանգվածային լրատվության միջոցներով:

8. Կարանտինային միջոցառումների կազմակերպումը, ղեկավարումը և համադաստման իրականացվում է հանրապետական, մարզային և համայնքային անասնահակահամաճարակային հանձնաժողովների կողմից:

9. Հանրապետական անասնահակահամաճարակային հանձնաժողովի կազմը և աշխատակարգը հաստատում է Հայաստանի Հանրապետության կառավարությունը, մարզային և համայնքային անասնահակահամաճարակային հանձնաժողովների կազմը և աշխատակարգը՝ համապատասխան տարածքային կառավարման մարմինը:

10. Կարանտինային միջոցառումներն իրականացվում են Հայաստանի Հանրապետության պետական բյուջեի և Հայաստանի Հանրապետության օրենսդրությամբ չարգելված այլ միջոցների հաշվին:

11. Կարանտինային գոտում վարակի օջախի վերացման, տարածմանն ու կանխման միջոցառումներն իրականացվում են «Անասնաբուժության մասին» Հայաստանի Հանրապետության օրենքի 31-րդ հոդվածի 5-րդ մասի դրույթներին համապատասխան:

### **3. ԿԱՐԱՆՏԻՆԸ ՉԵՂՅԱԼ ՀԱՅՏԱՐԱՐԵԼՈՒ ԿԱՐԳԸ**

12. Լիազոր մարմնի եզրակացության հիման վրա կարանտինը չեղյալ հայտարարելու մասին որոշումը ընդունում են՝

- 1) Հայաստանի Հանրապետության կառավարությունը՝ երկու և ավելի մարզերում կարանտինի սահմանման դեպքում,
- 2) տարածքային կառավարման մարմինը՝ Հայաստանի Հանրապետության վարչատարածքային միավորը կամ դրա առանձին տարածքային միավորները

կարանտինային գոտում ներառելու դեպքում:

13. Լիազոր մարմնի կողմից եզրակացությունը ներառում է.

- 1) կարանտին սահմանելու մասին որոշման համարը,
- 2) կարանտինային գոտու առողջացման վերաբերյալ արձանագրությունը՝ օրենսադրությամբ սահմանված և Կենդանիների առողջության համաշխարհային կազմակերպության պահանջներին համապատասխան,
- 3) կարանտինային միջոցառումների ավարտի վերաբերյալ արձանագրությունը,
- 4) եզրափակիչ ախտահանություն իրականացնելուց հետո նմուշներում կարանտինային հիվանդության հարուցիչ առկայության նկատմամբ լաբորատոր բացասական եզրակացությունը:

14. Կարանտին սահմանելու հիմքերը չվերանայու դեպքում կարանտին սահմանելու ժամկետը երկարաձգվում է:

15. Կարանտինային միջոցառումների իրականացման շրջանակներում սույն կարգով նախատեսված մարմինների կողմից հաստատված իրավական ակտերի, գործողությունները (անգործությունը) կարող են բողոքարկվել՝ օրենսդրությամբ սահմանված կարգով:

16. 15-րդ կետով նախատեսված բողոքարկումը չի կասեցնում համապատասխան ակտի կատարումը: